

晉

書

料

注

晉書輯注卷九

錢塘吳士鑑

同注

烏程劉承幹

帝紀第九

簡文帝

簡文皇帝諱昱字道萬元帝之少子也

世說文學篇注劉謙之晉紀謝

安簡文帝諡議曰謹案諡法一德不懈曰簡道德博問曰文易簡而天下之理得觀乎人文化成天下儀之景行猶有彷彿宜尊號曰太宗諡曰簡文御覽九十九晉中興書曰諱昱字道成中宗少子也母曰鄭夫人類聚十三引晉中興書誤作道方案萬省幼而岐嶷爲元帝作萬故誤方道成當爲傳鈔之譌所愛御覽九十九晉陽秋曰帝以太興三年生弱而慧異中宗深器焉郭璞見而謂人

曰興晉祚者必此人也及長清虛寡欲尤善立言

隋志道家

類有簡文帝談疏六卷太平廣記續談助四均引之

永昌元年元帝詔曰先公武

王先考恭王君臨琅邪繼世相承國嗣未立蒸嘗靡主

朕常悼心子昱仁明有智度

世說德行篇注引續晉陽秋仁明作仁聞

可以

虔奉宗廟以慰罔極之恩其封昱爲琅邪王食會稽宣

城如舊咸和元年所生鄭夫人薨帝時年七歲號慕泣

血固請服重元帝哀而許之故徙封會稽王

御覽九十
九晉中興

書曰哀號守誠乞得服重朝議哀之周家祿校勘記曰咸和爲成帝年號徙封會稽正咸和二年事誤作元帝

也案帝崩年五十三上溯其生當大興三年至咸和元年正七歲也拜散騎常侍九年遷

右將軍加侍中咸康六年進撫軍將軍領祕書監建元

元年夏五月癸丑康帝詔曰太常職奉天地

御覽二百二十八引

晉中興書奉作典

兼掌宗廟其爲任也可謂重矣是以古今選

建未嘗不妙簡時望兼之儒雅會稽王叔履尙清虛志

道無倦優游上列諷議朝肆

御覽二百二十八引晉中興書作優游諷議朕所諮

仰其領太常本官如故永和元年崇德太后臨朝進位

撫軍大將軍錄尙書六條事二年驃騎何充卒康帝崩

周家祿校勘記曰三字衍文

崇德太后詔帝專總萬機

御覽九十九引晉中興書

作詔上內總萬機

八年進位司徒固讓不拜穆帝始冠帝稽首

歸政不許廢帝卽位以琅邪王絕嗣復徙封琅邪而封

王子昌明爲會稽王帝固讓故雖封琅邪而不去會稽

之號太和元年進位丞相錄尚書事

御覽二百二十晉中興書曰詔曰會稽

王體道冲虛理識明久阿衡孝宗有保義之規輔弼

哀皇盡翼亮之道朕承洪緒仍問善誘慎徽五教策刑

具瞻登賢顯親國之典也其以爲丞相錄尚書事全

謝錄海內公紀興帝三讓故魏明也魏明也魏明也

入朝不趨讚拜不名劔履上殿給羽葆鼓吹班劔六

十人又固讓及廢帝廢皇太后詔曰丞相錄尚書會稽

王體自中宗明德劭令英秀立虛神棲事外以具瞻允

塞故阿衡三世道化宣流人望攸歸

御覽九十九引孫盛晉陽秋作民望

依爲日已久宜從天人之心以統皇極主者明依舊典

以時施行於是大司馬桓溫率百官進太極前殿具乘

輿法駕奉迎帝於會稽邸

元和郡縣圖志二十五曰東府城在上元縣東七里其地

西則簡文帝為會稽王時於朝堂變服著平巾幘單衣

東向拜受璽綬

御覽九十九晉中興書曰東向拜受璽流涕卽位

咸安元年冬十一月己酉卽皇帝位桓溫出次中堂令

兵屯衛乙卯溫奏廢太宰武陵王晞及子總

御覽九十

書曰咸安元年

癸卯

乙卯

廢太宰

武陵王

晞

及子

總

爲庶人

羣書

拾補曰

令毛云

一作分

世說黜免

篇注引

司馬晞傳

誤作琮周家祿校勘記曰總宜作綜據晞傳晉書校文

一日乙卯溫奏廢太宰武陵王晞下文庚戌使兼太尉

周顒告於太廟辛亥桓溫遣弟祕逼新蔡王晃癸丑殺

東海王二子庚戌辛亥癸丑皆在乙卯前今於己酉下

先書乙卯次及諸日殊乖序次此處既言溫奏廢晞下又云乙卯廢晞復出詔魏郡太守毛

安之帥所領宿衛殿內改元爲咸安庚戌使兼太尉周

顒告于太廟辛亥桓溫遣弟祕逼新蔡王晃詣西堂自

列與太宰武陵王晞等謀反帝對之流涕溫皆收付廷尉癸丑殺東海王二子及其母初帝以沖虛簡貴厯宰三世溫素所敬憚及初卽位溫乃撰辭欲自陳述帝引見對之悲泣溫懼不能言

世說尤悔篇曰桓宣武對簡文不甚得語廢海西後宜自

申叙乃豫撰數百語陳廢立之意既見簡文至是有司簡文便泣下數十行宣武矜愧不得一言

承其旨奏誅武陵王晞帝不許溫固執至于再三

通鑑一百

三御史中丞譙王恬承桓溫旨請依律誅武陵王晞詔答曰悲惋惶惶非所忍聞況言之哉其更詳議世說黜免篇曰桓宣武既廢太宰父子可無後憂簡文手答表曰所不忍言況過於言宣武帝手詔報曰若晉祚靈長公便宜又重表辭轉苦切

奉行前詔

世說黜免篇作若晉室靈長明公便宜奉行此詔

如其大運去矣請

避賢路溫覽之流汗變色不復敢言乙卯廢晷及其三

子徙于新安景辰放新蔡王晃于衡陽戊午詔日王室

多故穆哀早世皇肩夙遷神器無主

文館詞林六百六十八引皇上有昔

字早世作早崩夙遷作夙零無主作無寄

東海王以母弟近屬入纂大統嗣

位經年

文館詞林六百六十八引作累年

昏闇亂常人倫虧喪大禍將

及

文館詞林六百六十八引作必及

則我祖宗之靈靡知所託皇太后

深懼皇基時定大計大司馬因順天人協同神略親帥

羣后恭承明命雲霧既除皇極載清乃顧朕躬仰承弘

緒雖伊尹之寧殷朝博陸之安漢室無以尙也

文館詞林六百六十八

六十八引無此句多弘

朕以寡德猥居元首

文館詞林六百六十八

八引此句下有司牧羣黎奉主祀稷
永惟先帝受命中興光隆盛業四句
實懼眇然不克負

荷戰戰兢兢罔知攸濟思與兆庶更始其大赦天下大

酺五日增文武位二等孝順忠貞鰥寡孤獨米人五斛

己未賜溫軍三萬人布一匹米一斛
周家祿校勘記曰據溫傳當云

布一匹
米二斛
庚申加大司馬桓溫爲丞相不受辛酉溫旋自

白石因鎮姑孰以冠軍將軍毛武生都督荊州之河中

揚州之義城諸軍事
梁玉繩管記曰案毛寶傳寶三子

名犯王靖后諱故行字後又以桓溫母名憲更稱小字

此當時之稱今以小字書於帝紀似非史法本傳固云

穆之也廿二史攷異十八日按毛穆之傳斌性獷徙督

揚州之義成荊州五郡雍州之京兆軍事襄陽義成河

南三郡太守紀不書雍州京兆者闕也荊州五郡謂南

陽襄陽新野義陽順陽也
晉書傳孝武太元中僑置雍州

於襄陽刺史常兼督襄陽諸郡十二月戊子詔以京都有經年之儲權

停一年之運庚寅廢東海王奕爲海西公食邑四千戶

辛卯初薦鄴淶酒於太廟

二年春正月辛丑百濟林邑王各遣使貢方物

晉書校文一日

百濟服屬較林邑爲恭順屢見帝紀晉亦頻遣使假以官爵今四夷傳有林邑而無百濟載筆之疏可知二

月苻堅伐慕容桓於遼東滅之三月丁酉詔曰朕居阿衡三世不能濟彼時雍乃至海西失德殆傾皇祚賴祖宗靈祇之德皇太后淑體應期藩輔忠賢百官勩力用能蕩氛霧於昊蒼耀晨輝於宇宙遂以眇身託于王公之上思賴羣賢以弼其闕夫敦本息末抑絕華競使清

濁異流能否殊貫官無秕政士無謗譏不有懲勸則德
禮焉施且彊寇未殄勞役未息自非軍國戎祀之要其
華飾煩費之用皆省之夫肥遯窮谷之賢滑泥揚波之
士雖抗志立霄潛默幽岫貪屈高尙之道以隆協贊之
美孰與自足山水棲遲丘壑徇匹夫之絜而忘兼濟之
大邪古人不借賢於曩代朕所以虛想於今日內外百
官各勤所司使善無不達惡無不聞令詩人無素餐之
刺而吾獲虛心之求焉癸丑詔曰吾承祖宗洪基而昧
于政道懼不能允釐天工克隆先業夕惕惟憂若涉泉
水賴宰輔忠德道濟伊望羣后竭誠協契斷金內外盡

匡翼之規文武致匪躬之節冀因斯道終克弘濟每念
干戈未戢公私疲悴藩鎮有疆理之務征戍懷東山之
勤或白首戎陣忠勞未敘或行役彌久儋石靡儲何嘗
不昧旦晨興夜分忘寢雖未能撫而巡之且欲達其此
心可遣大使詣大司馬并問方伯逮于邊戍宣詔大饗
求其所安又籌量賜給悉令周普乙卯詔曰往事故之
後百度未充羣僚常俸並皆寡約蓋隨時之義也然退
食在朝而祿不代耕非經通之制今資儲漸豐可籌量
增俸騶虞見豫章夏四月徙海西公於吳縣西柴里追
貶庾后曰夫人六月遣使拜百濟王餘句爲鎮東將軍

領樂浪太守

梁書夷貊傳曰百濟者其先東夷有三韓

濟其一也後漸強大兼諸小國其國本與高句麗俱在

遼東之東千餘里晉世高句麗既略有遼東百濟亦據

有遼西晉平二郡地自置百濟郡晉義熙十三年封其

王餘映為百濟王梁書夷貊傳地理攷證曰百濟三國

志作伯濟為馬韓列國之一西漢成帝鴻嘉二年高句

麗始祖朱蒙卒子瑠璃王類利立其兄沸流溫祚南奔

馬韓溫祚據慰禮城後山嶠道自立為百濟國其先出自夫

徙漢山建立國都魏書外國傳曰百濟國其先出自夫

餘北去高句麗千餘里處小海之南衣服飲食與高句

麗同魏書外國傳地理攷證曰百濟立國在西漢成帝

鴻嘉二年傳世已久至此方見史文又敘述簡略中國

人聞於外情可見一斑案本紀既於簡文帝時記遣使

拜百濟王事又於慕容皝苻堅載記一見百濟之名而

四夷傳中並無百濟高句麗未免疏略安帝紀亦失載

義熙十三年封其王餘映事餘映與餘戊子前護軍將

句當是兩人中間相距蓋四十餘年也

軍庾希舉兵反自海陵入京口晉陵太守卞耽奔于曲

軍庾希舉兵反自海陵入京口晉陵太守卞耽奔于曲

阿秋七月壬辰桓溫遣東海內史周少孫討希擒之斬

于建康市乙未立會稽王昌明為皇太子御覽九十九

二年七月上不豫己未立皇子昌明為皇太子廿二史攷異十八日按孝武紀帝諱曜字昌明此稱字不

稱名蓋以皇子道子為琅邪王領會稽內史御覽九十

字行也與書作領是日帝崩于東堂世說言語篇注續晉陽秋

會稽國志二年時年五十三御覽九十九引晉中葬高平陵元和

郡縣圖志二十五日簡文帝昱高平陵在上元縣東北

二十里蔣山西南東晉疆域志曰高平陵六朝事蹟稱

建康實錄在鍾廟號太宗遺詔以桓溫輔政依諸葛亮

山之陽不起墳王導故事帝少有風儀善容止世說容止篇曰海西時

會稽王來軒軒如朝霞舉類聚十三續晉陽秋曰帝美

風姿好清言舉止端詳器服簡素與劉惔王濛等為布

衣之留心典籍不以居處爲意凝塵滿席湛如也世說德行

篇曰晉簡文爲撫軍時所坐牀上塵不聽拂見鼠行跡視以爲佳有參軍見鼠白日行以手板批殺之撫軍意色不說門下起彈教曰鼠被害尙不嘗與桓溫及武陵能忘懷今復以鼠損人無乃不可乎

王晞同載遊版橋溫遽令鳴鼓吹角車馳卒奔欲觀其所爲晞大恐求下車而帝安然無懼色溫由此憚服世說

雅量篇曰宣武與簡文太宰共載密令人在輿前後鳴鼓大呼鹵簿中驚擾太宰惶怖求下與顧看簡文穆然清恬宣武語人曰朝廷問故復有此賢御覽九十九續晉陽秋曰帝性韻深沈雅有局鎮常與太宰武陵王晞桓溫同乘至板橋溫密勅令無因而鳴角鼓譟部伍並皆驚馳溫佯爲駭異而晞大震驚急求下車帝舉止自若顏色不變溫每以稱其溫旣仗文武之任屢建大功德量故論者謂服憚之深

加以廢立威振內外帝雖處尊位拱默守道而已常懼

廢黜先是熒惑入太微尋而海西廢及帝登阼熒惑又

入太微帝甚惡焉

世說言語篇注晉陽秋曰泰和六年閏十月一賊按武郡歲餘元熒惑守

太微端門徐廣晉紀曰咸安元年十二月熒惑逆行入太微至二年七月猶在焉帝懲海西之事心甚憂之類聚十三引晉陽秋云熒惑猶在太微案徐孫二書皆云猶在紀云又入疑誤天文志中作太和三年六月熒惑或在太微端門中時中書郎郗超在直帝乃引入謂曰命或又是一事

之脩短本所不計

世說言語篇作天故當無復前日事

邪超曰大司馬臣溫方內固社稷外恢經略非常之事

臣以百口保之

御覽四百六十九引郭子作大司馬方將外固封疆內鎮社稷必無若斯之慮

臣為陛下保之類聚十三御覽及超請急省其父

魏書司馬

叡傳曰超父惜為會

帝謂之曰致意尊公家國之事遂

暗太守超假還東

至於此由吾不能以道匡衛

類聚十三引晉陽秋魏書司馬徽傳此句下均有思

患豫防四字匡衛晉陽秋作匡樹御覽四百六愧歎之

十九引郭子作由身不能以道匡衛思患預防

深言何能喻因詠庾闡詩云志士痛朝危忠臣哀主辱

遂泣下霑襟類聚十三引晉陽秋作泣下沾衣連如相續御覽四百六十九引郭子曰其聲甚悽

帝雖神識恬暢而無濟世大略故謝安稱為惠帝之

流清談差勝耳沙門支道林嘗言會稽有遠體而無遠

神世說言語篇注高逸沙門傳曰支遁字道林河內林慮人或曰陳留人本姓關氏少而任心獨往風期高

亮家世奉法嘗於餘杭山沈思道行冷然獨暢年二十

五始釋形入道年五十三終於洛陽與嵇康同又文

學篇曰支道林許掾諸人共在會稽齋頭支為法師

許為都督支通一義四坐莫不厭心許送一難眾人莫

不抃舞但共嗟詠二家之美不辨其理之所在御覽六

百五十五建康實錄曰沙門支遁常隱剡東山不交人

事好養鷹馬而不乘放人或譏之遁曰貧道愛其神駿耳幸後戴安道常經其墓歎曰德音未遠而拱木已積蓋神理繇繇不與氣運俱盡耳高僧傳四曰支遁幼有神理聰明秀徹初至京師王蒙甚重之曰造微之功不減輔嗣謝靈運迹其行事亦以爲赧獻之輩云

孝武帝

孝武皇帝諱曜字昌明簡文帝第三子也興寧三年七月甲申初封會稽王咸安二年秋七月己未立爲皇太子案已未當從簡文紀作乙未是日簡文帝崩太子卽皇帝位詔曰

朕以不造奄丁閔凶號天扣地靡知所訴藐然幼冲眇若綴旒深惟社稷之重大懼不克負荷仰憑祖宗之靈積德之祀先帝淳風玄化遺詠在民宰輔英賢勳隆德

盛顧命之託實賴匡訓羣后率職百寮勤政冀孤弱之躬有寄皇極之基不墜先恩遺惠播于四海思弘餘潤以康黎庶其大赦天下與民更始九年甲寅追尊皇妣會稽王如曰順皇后

十七史商榷四十五日九月誤作九年元本亦誤

冬十月

丁卯葬簡文皇帝于高平陵十一月甲午妖賊盧悚晨

入殿庭

魏書司馬睿傳作徐州小吏盧悚與其妖眾向晨攻廣莫門由萬春雲龍門入殿

游擊

將軍毛安之等討擒之是歲三吳大旱人多餓死詔所

在振給苻堅陷仇池執秦州刺史楊世

周家祿校勘記曰案楊世之子

纂時已嗣立世安得復存當照苻堅載記作楊纂

寧康元年春正月己丑朔改元二月大司馬桓溫來朝

三月癸丑詔除丹楊竹格等四桁稅夏五月旱

五行志中作三

月秋七月己亥使持節侍中都督中外諸軍事丞相錄

尚書大司馬揚州牧平北將軍徐兗二州刺史南郡公

桓溫薨庚戌進右將軍桓豁爲征西將軍以江州刺史

桓沖爲中軍將軍都督揚豫江三州諸軍事揚州刺史

本傳作揚豫鎮姑孰八月壬子崇德太后臨朝攝政

讀史舉正曰案本年正月己丑朔下年正月

癸未朔此月無壬子當是壬午之誤九月苻堅將楊

安寇成都景申以尚書僕射王彪之爲尚書令吏部尚

書謝安爲尚書僕射吳國內史刁彝爲北中郎將徐兗

二州刺史鎮廣陵復置光祿勳大司農少府官冬十月

西平公張天錫貢方物十一月苻堅將楊安陷梓潼及
梁益二州刺史周仲孫帥騎五千南遁

二年春正月癸未朔大赦追封謚故會稽世子郁爲臨
川獻王己酉北中郎將徐兗二州刺史刁彝卒二月癸
丑以丹楊尹王坦之爲北中郎將徐兗二州刺史丁巳
有星孛于女虛三月景戌彗星見於氐夏四月壬戌皇
太后詔曰頃立象或愆上天表異仰觀斯變震懼于懷
夫因變致休自古之道朕敢不剋意復心以思厥中又
三吳奧壤股肱望郡而水旱併臻百姓失業夙夜惟憂
不能忘懷宜時拯卹救其彫困三吳義興晉陵及會稽

遭水之縣尤甚者全除一年租布其次聽除半年受振

貸者卽以賜之五月蜀人張育自號蜀王帥眾圍成都

遣使稱藩秋七月涼州地震山崩

五行志下作七月甲午

苻堅將

鄧羌攻張育滅之八月以長秋將建權停婚姻九月丁

丑有星孛于天市冬十一月己酉天門鑿賊攻郡太守

王匪死之征西將軍桓豁遣師討平之長城人錢步射

錢弘等作亂吳興太守朱序討平之癸酉鎮遠將軍桓

石虔破苻堅將姚萇於墊江

羣書拾補曰鎮一作威考證云案桓石虔本傳是寧

字

三年春正月辛亥大赦夏五月景午北中郎將徐兗二

州刺史藍田侯王坦之卒甲寅以中軍將軍揚州刺史

桓沖爲鎮北將軍徐州刺史鎮丹徒尙書僕射謝安領

揚州刺史秋八月癸巳立皇后王氏大赦加文武位一

等九月帝講孝經

世說言語篇注續晉陽秋曰宣康三年九月九日帝講孝經僕射謝安侍

坐吏部尙書陸納兼侍中下耽讀黃門侍郎謝石吏部

袁宏兼執經中書郎車脂丹楊尹王混摘句車脂傳陸

納下有侍講二字下耽下有執字袁宏上有郎字惟不

載年月日隋經籍志云武帝時送總明觀孝經講議各

各字一卷案隋志列此書於穆帝之後當是孝武帝誤

脫孝字證以本紀及世說知必非武帝時作也輿地紀

勝十七金陵故事云晉冬十月癸酉朔日有蝕之十二

孝武講經於通天觀

月甲申神獸門災讀史舉正曰甲申誤書癸未前癸未皇太后詔曰頃

日蝕告變水旱不適雖克已思救未盡其方其賜百姓

窮者米人五斛癸巳帝釋奠于中堂祠孔子以顏回配

太元元年春正月壬寅朔帝加元服見于太廟皇太后

歸政甲辰大赦改元景午帝始臨朝以征西將軍桓豁

爲征西大將軍領軍將軍郗愔爲鎮軍大將軍

周家祿校勘記

曰領軍本傳作鎮軍簡文帝踐阼時所加

中軍將軍桓沖爲車騎將軍加尙

書僕射謝安中書監錄尙書事甲子謁建平等四陵夏

五月癸丑地震甲寅詔曰頃者上天垂監譴告屢彰朕

有懼焉震惕于心思所以議獄緩死赦過宥罪庶因大

變與之更始於是大赦增文武位各一等六月封河間

王欽子範之爲章武王秋七月苻堅將苟萇陷涼州虜

刺史張天錫盡有其地乙巳除度田收租之制公王以
下口稅米三斛蠲在役之身冬十月移淮北流人於淮
南十一月己巳朔日有蝕之讀史舉正日案上正月壬寅朔推之不得有此朔日
詔太官徹膳十二月苻堅使其將苻洛攻代執代王涉
翼健

二年春正月繼絕世紹功臣三月以兗州刺史朱序爲
南中郎將梁州刺史監沔中諸軍鎮襄陽閏月壬午地
震甲申暴風折木發屋夏四月己酉雨雹五月丁丑地
震六月己巳暴風揚沙石林邑貢方物秋七月乙卯老
人星見八月壬辰車騎將軍桓沖來朝丁未以尙書僕

射謝安爲司徒景辰使持節都督荆梁益交廣六州

諸軍事荆州刺史征西大將軍桓豁卒

周家祿校勘記曰按本傳云進

督交廣并前五州然則當爲七州也冬十月辛丑以車騎將軍桓冲

都督荆江梁益交廣七州諸軍事領護南蠻校尉荆

州刺史尙書王蘊爲徐州刺史督江南晉陵諸軍征西

司馬謝玄爲兗州刺史廣陵相監江北諸軍王寅散騎

常侍左光祿大夫尙書令王彪之卒十二月庚寅以尙

書王劭爲尙書僕射

三年春二月乙巳作新宮

世說方正篇注徐廣晉紀曰孝武宣康二年尙書令王彪

之等啟改作新宮太元三年二月內外軍六千人始營築至七月而成太極殿高八丈長二十七丈廣十丈尙

書謝萬監視賜爵關內侯大匠毛安之關中侯與地紀
勝十七金陵覽古曰梅梁殿在臺城中太極殿也晉太
元中侯射謝安謠曲作新宮造此殿欠一梁時有梅
水流至石頭城下因取爲梁殿成畫梅花於其上以表
嘉瑞御覽一百七十五引晉中興書云孝武帝造太極
殿郭璞筮云二百一十年此殿爲奴所壞案璞傳死年
四十九及王敦平追贈弘農太守敦死於明帝太寧二
年璞死更在前安得至孝武時尚在耶此說不足信

帝移居會稽王邸

書鈔一百一續晉陽秋曰太元三年詔賜會稽王祕閣書八千卷案賜書

之事當在孝武移居時

三月乙丑雷雨暴風發屋折木夏五月庚

午陳留王曹恢薨六月大水秋七月辛巳帝入新宮乙

酉老人星見南方

四年春正月辛酉大赦郡縣遭水旱者減租稅

案潛說友咸淳

臨安志載太元四年詔書考之本紀即寧康二年四月
皇太后詔按其實爲是年減租稅而發以條宋人書

不敢謂本紀之誤

景子謁建平等七陵二月戊午苻堅使其子

丕攻陷襄陽執南中郎將朱序又陷順陽三月大疫王
戊詔曰狡寇縱逸藩守傾沒疆場之虞事兼平日其內
外眾官各悉心勦力以康庶事又年穀不登百姓多匱
其詔御所供事從儉約九親供給眾官廩俸權可減半
凡諸役費自非軍國事要皆宜停省以周時務癸未使
右將軍毛武生帥師伐蜀夏四月苻堅將韋鍾陷魏興
太守吉挹死之五月苻堅將句難彭超陷盱眙堅載記作俱難
高密內史毛瑯之爲賊所執六月大旱戊子征虜將軍
謝玄及超難戰于君川大破之

周家祿校勘記曰征虜當作建武據本傳按時

玄叔父石方秋八月丁亥以左將軍王蘊爲尙書僕射爲征虜將軍

乙未暴風揚沙石九月盜殺建安太守傅湛冬十二月

己酉朔日有蝕之天文志作閏月

五年春正月乙巳謁崇平陵夏四月大旱癸酉大赦五

歲刑以下羣書拾補曰大字衍五月大水以司徒謝玄爲衛將軍

儀同三司周家祿校勘記曰玄安之誤六月甲寅震含章殿四柱并

殺內侍二人甲子以此歲荒儉大赦晉書校文一日甲寅至甲子凡十一

日據文館詞林六百六所載孝武靈震大赦詔有在六月十九昧爽以前皆赦除之語知此甲子卽十九日甲

寅則六月九日也自太元三年以前逋租宿債皆蠲除之其鰥

寡窮獨孤老不能自存者人賜米五斛丁卯以驃騎將

軍琅邪王道子爲司徒秋九月癸未皇后王氏崩冬十月九眞太守李遜據交州反十一月乙酉葬定皇后于隆平陵

六年春正月帝初奉佛法立精舍於殿內引諸沙門以居之案高僧傳四有詔賜竺道潛詔又卷五有孝武帝俸給釋道安詔賜竺法汰詔廣宏明集三十五有與朗法師書足爲孝武崇德太后在佛屋是宮中先已奉六年桓溫奏廢帝奔崇德太后在佛屋是宮中先已奉佛特人主未親奉耳王觀國學林曰古之儒者教授生徒其所居之舍皆謂之精舍故後漢包咸傳曰咸住東海立精舍講授劉淑傳曰淑少明五經隱居立精舍講授檀敷傳曰敷舉辟不就立精舍教授姜肱傳曰肱道遇寇兄弟爭死盜感悔乃就精廬求見章懷太子注曰精廬卽精舍也以此觀之精舍本爲儒士設至晉孝武立精舍以居沙門亦謂之精舍非有儒釋之別也高僧傳一曰攝摩騰至雒邑明帝於城西門外立精舍以處

之案此爲釋氏立精舍之始

丁酉以尙書謝石爲尙書僕射初置督

運御史官夏六月庚子朔日有蝕之揚荆江三州大水

己巳改制度減煩費損吏士員七百人秋七月景子赦

五歲刑已下甲午交趾太守杜瑗斬李遜交州平大饑

冬十一月己亥以鎮軍大將軍郗愔爲司空會稽人檀

元之反自號安東將軍鎮軍參軍謝藹之討平之十二

月甲辰苻堅遣其襄陽太守閻震寇竟陵襄陽太守桓

石虔討擒之晉書校文一曰石虔傳時爲南平太守非襄陽也堅載記亦作南平太守桓石虔此

紀蓋涉上文襄陽太守而譌燭及桓冲傳載記則作司馬

七年春三月林邑范熊遣使獻方物周家祿校勘記曰范熊當作范佛據

四夷傳 秋八月癸卯大赦九月東夷五國遣使來貢方物

苻堅將都貴焚燒沔北田穀通鑑晉紀注曰鄭公孫閔字子都子孫以爲氏讀史

舉正曰案桓冲傳苻堅載略襄陽百姓而去冬十月景記皆云晉將朱綽紀誤

子雷

八年春二月癸未黃霧四塞三月始興南康廬陵大水

平地五丈丁巳大赦夏五月輔國將軍楊亮伐蜀拔五

城苻堅載記作伍城華陽國志三曰漢時立倉於此發五縣人尉部主之後因以爲五城縣擒苻堅

將魏光秋七月鷹揚將軍郭洽及苻堅將張崇戰于武

當大敗之苻堅載記作郭銓八月苻堅帥眾渡淮遣征討都督

謝石冠軍將軍謝玄輔國將軍謝琰西中郎將桓伊等

距之九月詔司徒琅邪王道子錄尚書六條事冬十月

苻堅弟融陷壽春乙亥諸將及苻堅戰于肥水大破之

俘斬數萬計獲堅輿輦及雲母車十一月庚申詔衛將

軍謝安勞旋師于金城

讀史舉正曰庚申誤書王子前

王子立陳留王

世子靈誕爲陳留王十二月庚午以寇難初平大赦

晉書

校文一日據上十一月庚申王子兩日下推之十二月不應有庚午日兩庚字必有一譌

以中軍將

軍謝石爲尚書令開酒禁始增百姓稅米口五石

姚顗惜抱

軒筆記曰此說極不分明讀之大可駭據食貨志成帝時度田畝稅三升孝武時除度田收租之制王公以下口稅三斛惟獨在役者至八年增至五石然則此皆言王公以下有田而不供役之人豈汎及百姓哉

前

句叮王翟遼背苻堅舉兵於河南慕容垂自鄴與遼合

遂攻堅子暉於洛陽

十七史商榷四十五日考載記此

兄子真立真司馬鮮于乞殺真自立營人殺乞立從弟成真子遼奔黎陽長史鮮于得斬成降垂遼乃立仇

池公楊世奔還隴右遣使稱藩

讀史舉正曰按宋書氏胡傳此乃楊定非世也

世已于太和五年死矣

九年春正月庚子封武陵王孫寶爲臨川王戊午立新

寧王暉子遵爲新寧王辛亥謁建平等四陵

晉書校文一日辛亥

前戊午七日不應反次在戊午後案武陵王暉徙新安

郡卒於太元六年追封新寧郡王至十二年始追復武

陵國故紀於本年稱新寧王暉惟上文不得復稱武陵

王也臨川王郁傳作武陵威王曾孫寶亦與此異暉有三子綜遵遵不知寶爲何人之子傳無明文

龍驤將軍劉牢之克譙城車騎

將軍桓沖部將郭寶伐新城魏興上庸三郡降之二月

辛巳使持節都督荆江梁寧益交廣七州諸軍事車騎將軍荊州刺史桓沖卒慕容垂自洛陽與翟遼攻苻堅子丕於鄴三月以衛將軍謝安爲太保苻堅北地長史慕容泓平陽太守慕容沖並起兵背堅夏四月己卯增置太學生百人封張天錫爲西平公使竟陵太守趙統伐襄陽克之苻堅將姚萇背堅起兵於北地自立爲王國號秦六月癸丑朔崇德皇太后褚氏崩慕容泓爲其叔父沖所殺沖自稱皇太弟秋七月戊戌遣兼司空高密王純之修謁洛陽五陵己酉葬康獻皇后于崇平陵百濟遣使來貢方物苻堅及慕容沖戰于鄭西堅師敗

續八月戊寅司空郗愔薨九月辛卯前鋒都督謝玄攻

苻堅將兗州刺史張崇于鄆城克之甲午加太保謝安

大都督揚江荆司豫徐兗青冀幽并梁益雍涼十五州

諸軍事

諸史攷異二曰按謝安傳十五州有寧無涼帝紀前後都督亦皆有寧無涼涼州已爲呂光所

據當以安傳所舉爲正

冬十月辛亥朔日有蝕之丁巳河閒王曇

之薨

晉書校文一曰曇爲河閒王欽子顯傳不附見史之疏也據魏司馬元興墓志知曇官侍中左衛將

軍贈使持節鎮西將軍荆州刺史謚曰景

乙丑以玄象乖度大赦庚午立前

新蔡王晃弟崇爲新蔡王苻堅青州刺史苻朗帥眾來

降十二月苻堅將呂光稱制于河右自號酒泉公

讀史舉正

曰十年九月呂光據姑臧自稱涼州刺史一事兩書誤也

慕容冲僭卽皇帝位于阿

房讀史方輿紀要五十三曰阿城在西安府西三十四里卽秦所作阿房宮也黃圖秦作宮阿基旁天下謂之阿房孔穎達曰宮在今上林苑中雍州郭城西南面卽阿房宮城東南面也

十年春正月甲午謁諸陵二月立國學蜀郡太守任權

斬苻堅益州刺史李平益州平三月滎陽人鄭夔以郡

來降苻堅國亂使使奉表請迎龍驤將軍劉牢之及慕容

垂戰于黎陽王師敗績夏四月景辰劉牢之與沛郡

太守周次及垂戰于五橋澤王師又敗績劉牢之傳周次作田次之

讀史方輿紀要十五曰五橋澤在廣宗縣東晉書校文

一日牢之傳祇記五橋澤之敗不及黎陽喪師事攷慕容垂載記言牢之率眾救苻丕垂逆戰敗績遂撤鄴圍

自新城北走牢之追及之垂戰連敗又戰於五橋澤王師敗績云云是則前此黎陽之敗本屬垂事紀誤爲王師故五橋澤一役有王師又敗績之文也牢之傳言垂

聞軍至北走牢之與田次之追之行二百里至五橋澤
爲垂所擊敗績使如紀言牢之先已覆軍於黎陽安能
再深追至二百里况垂軍新勝亦不應遽北走探當日
情事牢之無黎陽之敗可以意得紀誤不足據當以牢
之傳爲實錄案周次爲田
次之之誤詳牢之傳注王戌太保謝安帥眾救苻堅

五月大水苻堅留太子宏守長安奔于五將山六月宏
來降慕容冲入長安秋七月苻丕自枋頭西走龍驤將
軍檀玄追之爲丕所敗旱饑丁巳老人星見八月甲午
大赦丁酉使持節侍中中書監大都督十五州諸軍事
衛將軍太保謝安薨庚子以琅邪王道子爲都督中外
諸軍事是月姚萇殺苻堅而僭卽皇帝位
萇載記僭號在太元十一年
九月呂光據姑臧自稱涼州刺史苻丕僭卽皇帝位

于晉陽冬十月丁亥論淮肥之功追封謝安廬陵郡公
封謝石南康公謝玄康樂公謝珍望蔡公桓伊永脩公
自餘封拜各有差是歲乞伏國仁自稱大單于秦河二
州牧

十一年春正月辛未慕容垂僭即皇帝位于中山壬午

翟遼襲黎陽執太守滕恬之

元和郡縣圖志十六曰黎陽鎮故城在黎陽縣東南

一里古翟遼城也翟遼於此僭號洪亮吉曉讀書齋雜錄曰按地形志黎陽作郡雖在後魏孝昌中然晉書載

記黎陽太守韓高以郡歸慕容儁則東晉時已有黎陽郡矣此紀云執太守滕恬之安知非即黎陽太守乎及

閱滕脩傳脩曾孫恬之爲魏郡太守戍黎陽蓋是時黎陽屬魏郡恬之以太守戍其地耳本紀魏郡二字殊不

可省又攷謝元傳遣晉陵太守滕恬之戍黎陽乙酉謁時又似爲晉陵太守紀傳前後舛錯未知誰是

諸陵慕容冲將許木末殺慕容冲於長安三月大赦太
山太守張願以郡叛降於翟遼夏四月以百濟王世子

餘暉爲使持節都督鎮東將軍百濟王

晉書校文一曰據南史尙有義

熙三年以百濟王餘暉爲使持節都督百濟諸軍事鎮

東將軍百濟王一事以此紀所書例之安帝紀不應不

載今彼紀絕無代王拓拔圭始改稱魏魏書本紀作珪

其文疏漏殊甚子開字涉珪代立遂癸巳以尙書僕射陸納爲尙書左

王有中州自稱曰魏僕射譙王恬爲尙書右僕射六月己卯地震庚寅以前

輔國將軍楊亮爲西戎校尉雍州刺史鎮衛山陵秋八

月庚午封孔靖之爲奉聖亭侯奉宣尼祀丁亥安平王

遂之薨翟遼寇譙龍驤將軍朱序擊走之冬十月慕容

垂破苻丕於河東不走東垣

讀史方輿紀要四十一曰垣縣城漢置垣縣徐廣曰

縣有王屋山故曰王垣亦曰武垣博物記山在縣東狀如垣故亦有東垣之稱

揚威將軍馮該

擊斬之傳首京都甲申海西公奔薨十一月苻丕將苻登僭卽皇帝位於隴東

十二年春正月乙巳以豫州刺史朱序爲青兗二州刺史鎮淮陰丁未大赦壬子暴風發屋折木戊午慕容垂寇河東濟北太守溫詳奔彭城翟遼遣子釗寇陳潁朱序擊走之夏四月戊辰尊夫人李氏爲皇太妃己丑雨雹高平人翟暢執太守徐含遠以郡降于翟遼六月癸卯東帛聘處士戴逵龔立之秋八月辛巳立皇子德宗

爲皇太子

初學記十晉中興書曰安皇帝烈宗長子也冊爲皇太子曰岐嶷表於載誕克廣同平大

成是以命爾以登儲貳又二十五晉起居注曰孝武太元十二年有司奏儲宮初建未有漏刻參詳永安宮銅

漏刻置漏刻使案漏大赦增文武位二等大酺五日賜刻使不見職官志

百官布帛各有差九月戊午復新寧王遵爲武陵王立

梁王璉子穌爲梁王冬十一月松滋太守王遐之討翟

遼于洛口敗之

十三年夏四月戊午以青兗二州刺史朱序爲持節都

督雍梁沔中九郡諸軍事雍州刺史本傳作都督司譙

王恬之爲鎮北將軍青兗二州刺史晉書校文一曰本傳恬字元瑜無之

字按晉人單名往往有加之字者如顧悅稱顧悅之袁悅稱袁悅之張玄稱張玄之之類不勝枚舉此亦其一

也本紀上文十一年亦夏六月旱乞伏國仁死弟乾歸無之字此之字衍文

嗣僞位僭號河南王

晉書校文一日乾歸載記乾歸於太元十四年受苻登金城王之號

後登又署爲河南王皆非是年事

秋七月翟遼將翟發寇洛陽河南太

守郭給距破之冬十二月戊子濤水入石頭毀大桁殺

人乙未大風晝晦延賢堂災

東晉疆域志曰按宋書符瑞志太元十九年華林園

延賢堂西北李樹連理據此則堂在華林園也

景申螽斯百堂客館驃騎庫皆

災

羣書拾補曰百上脫則字五行志有案劉聰載記亦有螽斯則百堂後漢皇后紀云螽斯則百福之所由

興己亥加尙書令謝石衛將軍開府儀同三司庚子尙

書令衛將軍開府儀同三司謝石薨

十四年春正月癸亥詔淮南所獲俘虜付諸作部者一

皆散遣男女自相配匹賜百日廩其沒爲軍賞者悉贖

出之以襄陽淮南饒沃地各立一縣以居之彭城妖賊

劉黎僭稱皇帝於皇上東晉疆域志曰彭城縣有皇上龍驤將軍劉牢

之討平之二月扶南獻方物呂光僭號三河王夏四月

甲辰彭城王弘之薨翟遼寇滎陽執太守張卓六月壬

寅使持節都督荆益寧三州諸軍事荊州刺史桓石虔

卒廿二史攷異十八日以列傳攷之石虔但爲豫州刺史其爲荊州刺史者桓石民也周家祿校勘記曰按

本傳石虔時以冠軍監郡無都督文秋七月甲寅宣陽門四柱災晉書校

五行志作雷震宣陽門八月姚萇襲破苻登獲其僞后

四柱蓋柱爲雷火所焚姚萇曾北面於苻登獲其僞后毛氏十七史商榷四十五曰姚萇曾北面於苻登獲其僞后苻氏而毛氏又死節書法不應如此

丁亥汝南

王羲薨

汝南王亮傳羲作義

九月庚午以尚書左僕射陸納爲尚

書令冬十二月乙巳雨木冰

十五年春正月乙亥鎮北將軍譙王恬之薨龍驤將軍

劉牢之及翟遼張願戰于太山王師敗績

晉書校文一曰牢之傳翟

遼作翟釗蓋遼之子也張願與張遇亦互異傳言牢之進平太山釗走河北因獲張遇則不但未敗績且戰勝矣紀傳之文不相檢照如此征虜將軍朱序破慕容永於太行二月

辛巳以中書令王恭爲都督青兗幽并冀五州諸軍事

前將軍青兗二州刺史三月己酉朔地震戊辰大赦秋

七月丁巳有星孛于北河八月永嘉人李耽舉兵反太

守劉懷之討平之己丑京師地震有星孛于北斗犯紫

微沔中諸郡及兖州大水龍驤將軍朱序攻翟遼于滑臺大敗之張願來降九月丁未以吳郡太守王珣爲尙書僕射

本傳作吳國內史

冬十二月己未地震

十六年春正月庚申改築太廟夏六月慕容永寇河南太守楊佺期擊破之己未章武王範之薨秋九月癸未以尙書右僕射王珣爲尙書左僕射以太子詹事謝珍爲尙書右僕射新廟成

通典五十五日孝武帝太元十六年告移廟奠幣徐邈答傅瑗

曰此無禮文意謂初崇號以告太廟今自一別廟之遷耳於太廟無事無事而告則近黷矣古大事必告初崇進而告是也今徙廟事之末恐不得復告也冬十一月姚萇敗苻登于安定

十七年春正月己巳朔大赦除逋租宿債夏四月齊國

內史蔣詰殺樂安太守辟閭濬據青州反北平原太守
辟閭渾討平之五月丁卯朔日有蝕之六月癸卯京師
地震甲寅濤水入石頭毀大桁永嘉郡潮水湧起近海
四縣人多死者乙卯大風折木戊午梁王劼薨慕容垂
襲翟釗于黎陽敗之釗奔于慕容永秋七月丁丑太白
晝見八月新作東宮書斷曰晉韋昶字文林仲將兄康
字元將涼州刺史之元孫官至潁
川太守散騎常侍善古文大篆及草狀太元中孝武帝
改治宮室及廟諸門並欲使王獻之隸草書題榜獻之
固辭及使劉瓌以入分書之後冬十月丁酉太白晝見
又命文林以大篆改入分焉
辛亥都督荆益梁三州諸軍事荊州刺史王忱卒十一
月癸酉以黃門郎殷仲堪爲都督荆益梁三州諸軍事

荊州刺史

周家祿校勘記曰本傳作荊益
寧按仲堪承王忱當爲荊益寧

庚寅徙封琅

邪王道子爲會稽王封皇子德文爲琅邪王十二月己未地震是歲自秋不雨至于冬

十八年春正月癸卯朔地震二月乙未地又震三月翟釗寇河南夏六月己亥始興南康廬陵大水深五丈秋七月旱閏月妖賊司馬徽聚黨於馬頭山劉牢之遣部將討平之九月景戌龍驤將軍楊佺期擊氏帥楊佛嵩于潼谷敗之冬十月姚萇死子興嗣僞位

十九年夏六月王子追尊會稽王太妃鄭氏爲簡文宣太后秋七月荆徐二州大水傷秋稼遣使振卹之

羣書拾補

日毛云宋本無使字八月己巳尊皇太妃李氏爲皇太后宮曰崇

訓慕容垂擊慕容永於長子斬之冬十月慕容垂遣其子惡奴寇廩丘東平太守韋簡及垂將尹國戰于平陸簡死之是歲苻登爲姚興所殺登太子崇奔于湟中僭稱皇帝

二十年春二月作宣太后廟甲寅散騎常侍光祿大夫開府儀同三司尚書令陸納卒三月庚辰朔日有蝕之夏六月荆徐二州大水十一月魏王拓拔圭擊慕容垂子寶于黍谷敗之

晉書校文一曰黍谷載記及魏書均作參合陂蓋陂名在代郡參合縣

二十一年春正月造清暑殿三月慕容垂攻平城拔之

夏四月新作永安宮

輿地紀勝十七曰建康志晉永安宮按金陵圖在臺城東華門外讀

史方輿紀要二十曰晉太元二十一年以東海王第作東宮安帝立何皇后居於此謂之永安宮

丁卯

雨雹慕容垂死子寶嗣僞位五月甲子以望蔡公謝珍

爲尙書左僕射大水六月呂光僭即天王位秋九月庚

申帝崩于清暑殿

宋書天文志曰帝暴崩內殿兆庶宣言夫人張氏潛行大逆御覽三百三

十八異苑曰晉孝武太元末帝每間手巾箱中有鼓吹

轉角響於是請僧齋會夜見一臂長三丈許手長數尺

來摹經案帝是歲崩天下大亂又八百八十二幽明錄

曰晉孝武帝於殿北窗下清暑忽見一人著白夾黃練

單衣舉身沾濕自稱華林池中水之神名曰淋涿君也

若善見待當相福祐時帝飲已醉取常所佩刀擲之刀

空過無礙神念曰不以佳事垂接當令知時年三十五

所以居少時而暴崩皆呼此靈爲禍也

葬隆平陵

十七史商榷四十五曰此下脫廟號烈宗四字劉知幾已言之元和郡縣圖志二十五曰

孝武帝昌明隆平陵在上元

帝幼稱聰悟

世說言語篇注宋明帝文

縣東北二十里蔣山西南

章志曰帝聰惠推賢任才

簡文之崩也時年十歲至晡不臨左右進

諫荅曰哀至則哭何常之有謝安嘗嘆以爲精理不減

先帝

世說言語篇作年十餘歲立至暝不臨左右啟依

時年

十三四冬天晝日不著複衣但著單絹裙衫五六

重夜則累茵褥謝公云體宜令有常陛下晝過冷夜過

熱非攝養之術帝日夜靜故也謝公歎曰上理不減先

帝案孝武在位二十四年崩年三十五是卽位時實爲

十一歲殷芸所謂年十三四蓋卽位

以後事非卽位時事也時字有誤既威權已出雅有

人主之量既而溺于酒色

卽覽九十九引續晉陽秋殆

爲長夜之飲末年長星見帝心甚惡之

晉書校文一日此事本之世說

然非實錄劉孝標會

於華林園舉酒祝之曰長星勸汝

駭正之具雅量篇注

一杯酒自古何有萬歲天子邪六朝事迹編類引何字下有嘗字太白

連年晝見

天文志孝武帝太元元年八月二年九月七年十一月十年

四月十一年三月六月十二年六月十月十三年正月十四年四月六月九月十六年四月十七年七月十月十八年六月十九年五月六月九月二十年七月十月二十一年二月三月凡太白晝見者二十五地震水

旱爲變者相屬醒日既少而傍無正人竟不能改焉時

張貴人有寵年幾三十帝戲之曰汝以年當廢矣貴人

潛怒向夕帝醉遂暴崩時道子昏惑元顯專權竟不推

其罪人

御覽九十九續晉陽秋日醒時既少多居內殿留連於盤薄之間時張貴人寵冠後宮威行閭

內年幾三十帝妙列伎樂陪侍嬪少乃笑而戲之云汝以年當廢矣吾已屬諸姝少矣貴人潛怒上不覺上稍醉卧貴人遂令其婢蒙之以被既絕初簡文帝見讖云云以魘崩至丑時方遷登太極前殿

晉祚盡昌明及帝之在孕也李太后夢神人謂之曰汝

生男以昌明爲字及產東方始明因以爲名焉簡文帝

後悟乃流涕

世說言語篇注宋明帝文章志曰及帝誕育東方始明故因生時以爲諱而相與忘

告簡文問之乃以諱對簡文

流涕曰不意我家昌明便出及爲清暑殿有識者以爲

清暑反爲楚聲哀楚之徵也

御覽一百七十五晉中興書曰烈宗起清暑殿識者

曰清暑反語楚聲也爲殿以酸楚之聲爲號非吉祥也

頃烈宗崩桓玄自號楚晉宋書故曰署署並从者聲古

讀應同今讀暑如鼠讀署如樹蓋古音也或讀署如處

此起於北齊高祖之父諱樹因而讀署爲處非古音也

暑讀如鼠者宋書五行志二以爲識云代晉者楚乃桓

玄篡逆自號曰楚之徵然則清暑二字反音爲楚此暑

讀如鼠之證也朝開人喜作雙聲此正義聲也俄而帝崩晉祚自

此傾矣

史臣曰前史稱不有廢也君何以興若乃天挺惟神光
膺嗣位邁油雲而驤首濟沈川而能躍少康一旅之眾
所以闡帝圖成湯七十之基所以興王業靜河海於既
泄補穹圓於已紊事異於斯則弗由也簡皇以虛白之
姿在屯如之會政由桓氏祭則寡人太宗晏駕寧康纂
業天誘其衷姦臣自隕于時西踰劒岫而跨靈山北振
長河而臨清洛荆吳戰旅嘯叱成雲名賢閒出舊德斯
在謝安可以鎮雅俗彪之足以正紀綱桓沖之夙夜王
家謝玄之善斷軍事于時上天乃眷彊氏自泯五尺童
子振袂臨江思所以挂旆天山封泥函谷而條綱弗垂

威恩罕樹道子荒乎朝政國寶彙以小人拜授之榮初
非天旨驚刑之貨自走權門毒賦年滋愁民歲廣是以
聞人許榮馳書詣闕烈宗知其抗直而惡聞逆耳肆一
醉於崇朝飛干觴於長夜雖復昌明表夢安聽神言而
金行殯弛抑亦人事語曰大國之政未陵夷小邦之亂
已傾覆也屬苻堅百六之秋棄肥水之眾帝號爲武不
亦優哉

贊曰君若綴旒道非交泰簡皇凝寂不貽伊害孝武登
朝姦雄自消燕之擊路鄭叔分鑣倡臨帝席酒勸天妖
金風不競人事先彫

晉書斟注卷九

晉書刪注卷十

錢塘吳士鑑

同注

烏程劉承幹

帝紀第十

安帝

安皇帝諱德宗字德宗孝武帝長子也太元十二年八月辛巳立爲皇太子二十一年九月庚申孝武帝崩辛酉太子卽皇帝位大赦癸亥以司徒會稽王道子爲太傅攝政冬十月甲申葬孝武皇帝于隆平陵大雪隆安元年春正月

周家祿校勘記
日當另行起

己亥朔帝加元服改元增

文武位一等太傅會稽王道子稽首歸政以尙書左僕

射王珣爲尙書令領軍將軍王國寶爲尙書左僕射二

月呂光將禿髮烏孤自稱大都督大單于國號南涼

晉書

校文一日載記烏孤稱大都督大將軍大單于平西王擊光將寶荀于金昌

呂光及禿

髮載記均作寶荀御覽三百三十六引後涼錄亦作寶荀大破之甲寅尊皇太后李

氏爲太皇太后戊午立皇后王氏三月呂光子纂爲乞

伏乾歸所敗光建康太守段業自號涼州牧慕容寶敗

魏師于薊夏四月甲戌兗州刺史王恭豫州刺史庾楷

舉兵以討尙書左僕射王國寶建威將軍王緒爲名甲

申殺國寶及緒以悅于恭恭乃罷兵戊子大赦五月前

司徒長史王廙以吳郡反王恭討平之慕容寶將慕容

詳僭即皇帝位于中山寶奔黃龍案載記作龍城黃龍蓋即龍城魏書慕容

鹿傳又作和龍城水經大遼河水注十四引魏土地記

黃龍城西南有白狼河初學記八引魏氏土地記狼河

附黃龍城東北下皆指慕容氏之龍城也秋八月呂光爲其僕射楊軌散騎

常侍郭麀所攻光子纂擊走之九月慕容寶將慕容麟

斬慕容詳于中山因僭即皇帝位冬十月慕容麟爲魏

師所殺元本作敗周家祿校勘記曰按當作敗麟於中山僭號敗奔其兄德於鄴謀亂賜死不殺於魏

也師

二年春三月龍舟二災夏五月蘭汗弑慕容寶而自稱

大將軍昌黎王秋七月慕容寶子盛斬蘭汗僭稱長樂

王攝天子位兗州刺史王恭豫州刺史庾楷荊州刺史
殷仲堪廣州刺史桓玄南蠻校尉楊佺期等舉兵反八
月江州刺史王淪奔于臨川

周家祿校勘記曰淪誤淪

景子寧朔將

軍鄧啟及慕容德將慕容法戰于管城王師敗績

周家祿校

勘記曰天文志慕容載記皆作鄧啟方惟志云伐慕容
寶於滑臺爲不同耳讀史方輿紀要四十七日管城今
鄭州景戌慕容盛僭卽皇帝位於黃龍桓玄大敗王師

治

于白石九月辛卯加太傅會稽王道子黃鉞遣征虜將

軍會稽王世子元顯前將軍王珣右將軍謝珍討桓玄

等己亥破庾楷于牛渚景午會稽王道子屯中堂元顯

守石頭己酉前將軍王珣守北郊

讀史方輿紀要二十
日北郊壇在覆舟山

南晉成帝咸康八年所立也右將軍謝珍備宣陽門輔國將軍劉牢

之次新亭使子敬宣擊敗恭恭奔曲阿長塘湖湖尉收

送京師斬之

世說文學篇注晉安帝紀桓立王孝伯誅日隆安二年九月十七日前將軍青兗二

州刺史太原王孝伯薨案恭本傳云及立執政上表理恭詔贈侍中太保此誅當作於執政之時立既理恭故諱言遇害而云薨也紀以恭奔曲阿繫於己酉日之下己酉蓋十七日也晉書校文一日恭傳作湖浦尉魏書及續晉陽秋於是遣太常殷茂喻仲堪及立等走于離嶽湖同

尋陽冬十月新野言騶虞見景子大赦壬午仲堪等盟

于尋陽推桓立爲盟主十一月以琅邪王德文爲衛將

軍開府儀同三司領軍將軍王雅爲尙書左僕射十二

月己丑魏王圭卽尊位年號天興

十七史商榷曰此書法與各國之書僭卽

皇帝位或書嗣位或書僭稱皇帝或書僭即天王位或書自立爲王或書僭帝號僭帝位者大有不同晉臣之詞決不如此此京兆人韋禮姚興載記帥襄陽流人叛唐人所追改也

降于姚興己酉前新安太守杜炯反于京口

讀史舉正曰案通鑑

作孫泰乃孫恩叔父也

會稽王世子元顯討斬之禿髮烏孤自稱

武威王

三年春正月辛酉封宗室蘊爲淮陵王二月甲辰河間

王國鎮薨林邑范達陷日南九真遂寇交趾太守杜瑗

討破之

周家祿校勘記曰據四夷傳當作范胡達宋書良吏傳曰杜瑗字道言仕州府爲日南九德交

趾太守林邑王范胡達攻破日南九德九真三郡遂圍州城與第三子立之悉力固守多設權策累戰大破之追討於九真日南連捷故胡達走還林邑乃以瑗爲段龍驤將軍交州刺史案本紀不言陷九德史文漏略

業自稱涼王仇池公楊盛遣使稱藩獻方物三月己卯
追尊所生陳夫人爲德皇太后夏四月乙未加尙書令

王珣衛將軍以會稽王世子元顯爲揚州刺史六月戊

子以琅邪王德文爲司徒慕容德陷青州害龍驤將軍

辟閭渾遂僭卽皇帝位于廣固

地理志下作別駕辟閭渾誤作隆安四年事文

選勸進表注引臧榮緒晉書有石勒幽州刺史辟閭訓樂安人渾蓋與之同族元和郡縣圖志十日廣固城在益都縣西四里讀史方輿紀要三十

五日廣固城在今青州府西北八里

秋八月禿髮烏孤

死其弟利鹿孤嗣僞位冬十月姚興陷洛陽執河南太

守辛恭靜

本傳作恭靖

十一月甲寅妖賊孫恩陷會稽內史

王凝之死之吳國內史桓謙臨海太守新蔡王崇義興

太守魏隱竝委官而遁孫恩傳桓謙誤作桓謹魏隱作魏傳謝珍傳作魏鄢世說賞譽

篇下注魏氏譜曰隱字安時會稽上虞人歷義興太守御史中丞廿二史攷異三十二日僞與鄢通隱傳聲亦

相吳興太守謝邈永嘉太守司馬逸皆遇害孫恩傳司馬逸作謝

逸南史孝義傳遣衛將軍謝珍輔國將軍劉牢之逆擊

又作司馬逸之晉書校文一日宋書武帝紀作前將軍以牢之傳

走之攷之則進號前將軍在破孫恩後此紀所書官號

為得其實十二月桓玄襲江陵荊州刺史殷仲堪南蠻

宋書誤校尉楊佺期竝遇害諸史攷異二日按佺期傳時以佺

軍事雍州刺史並不為南蠻校尉為南蠻校尉者桓偉也呂光立其太子紹為天王

自號太上皇是日光死呂纂弑紹而自立晉書校文一

立載記繫在四年此接書是歲荊州大水平地三丈

於光死之下疑非實錄

四年春正月乙亥大赦二月己丑有星孛于奎婁進至

紫微三月彗星見于太微夏四月地震孫恩寇浹口五

志下地震在四月乙未御覽四十六輿地志曰華山上

有石鼓晉隆安中鳴乃有孫恩之亂通鑑晉紀注曰浹

口在今明州定海縣虎蹲山外讀史方輿紀要九十二

曰大浹江在定海縣城南有大浹渡亦曰大浹口晉時

置浹口五月景寅散騎常侍衛將軍東亭侯王珣卒己

卯會稽內史謝琰爲孫恩所敗死之恩轉寇臨海六月

庚辰朔日有蝕之旱五行志中作五月與此繫於六月者異輔國司馬劉

裕破恩於南山恩將盧循陷廣陵死者三千餘人以琅

邪王師何澄爲尙書左僕射秋七月壬子太皇太后李

氏崩丁卯大赦是月姚興伐乞伏乾歸降之八月丁亥

尚書右僕射王雅卒壬寅葬文太后于脩平陵九月癸丑地震冬十一月宣朔將軍高雅之及孫恩戰於餘姚王師敗績以揚州刺史元顯爲後將軍開府儀同三司都督揚豫徐兗青幽冀并荆江司雍梁益交廣十六州諸軍事前將軍劉牢之爲鎮北將軍封元顯子彥璋爲東海王十二月戊寅有星孛于天市是歲河右諸郡奉涼武昭王李玄盛爲秦涼二州牧涼公年號庚子

五年春二月景子孫恩復寇浹口呂超弒呂纂以其兄

隆僭卽僞位

周家祿校勘記曰載記纂被弒隆僭位皆作元興元年

三月甲寅眾

星西流厯太微夏五月孫恩寇吳國內史袁山松死之

晉書校文一日以山松傳沮渠蒙遜殺段業自號大都

督北涼州牧載記涼州牧無北字六月甲戌孫恩至丹徒乙亥內

外戒嚴百官入居于省冠軍將軍高素右衛將軍張崇

之守石頭輔國將軍劉襲柵斷淮口丹楊尹司馬恢之

戍南岸冠軍將軍桓謙輔國將軍司馬允之游擊將軍

毛遂備白石左衛將軍王楸領軍將軍孔安國屯中皇

堂一本作堂皇非徵豫州刺史譙王尙之衛京師宣朔將軍高雅

之擊孫恩于廣陵之郁洲郭璞山海經注曰郁洲今在東海臨朐縣水經淮水注曰

東北海中有大洲謂之郁洲山海經所謂郁山蘇離蘇離在海上猶

有南方草木讀史方輿紀要二十二日鬱洲山在海州東北十九里謂之鬱洲亦曰郁洲山晉書校文一日宋

書武帝紀作鬱
洲二字古通

爲賊所執秋七月段興弒慕容盛盛叔

父熙盡誅段氏

周家祿校勘記曰按載記弒盛者乃段
璣及秦興之子興段讚之子泰熙嗣位

誅段璣秦興等夷三族無段興弒盛文紀蓋誤合
因僭璣興爲一也段興宜作段璣言璣而興泰該焉矣

稱尊號九月呂隆之降于姚興冬十月姚興帥師侵魏

大敗而旋是歲饑禁酒

元興元年春正月庚午朔大赦改元

案通鑑是年三月
仍改隆安六年又

改大亨至次年仍改
元興二年紀均失載以後將軍元顯爲驃騎大將軍征

討大都督鎮北將軍劉牢之爲元顯前鋒前將軍譙王

尙之爲後部以討桓玄

魏書司馬叡傳曰德宗下書曰
豎子桓玄故大將軍不腆之息

少懷狡惡長而不悛遂與王恭協同奸謀阻兵內侮三
方雲集志在問鼎闕擬神器賴祖宗威靈宰傅神略忠

義奮發罪人斯殞立等猖狂失圖回舟烏逝便宜乘會
殲除奸源於時同異之論用惑廟策遂使王憲廢撓寵
授非所猶冀立當洗濯胸臆小懲大誡而狼心弗革悖
慢愈甚割據江湖擅威荆郢矯命稱制與奪在手又對
侍中王謐放肆醜言欲縱凶毒陵陷上京無君之心形
於音翰不臣之迹日月彌著是可忍也孰不可懷宜明
九伐以寧西夏尙書令後將軍元顯可爲征討大都督
督十八州諸軍事驃騎大將軍儀同三司以劉牢之爲
前鋒行征西將軍權領江
州命司馬尚之入沔水
二月景午帝戎服餞元顯于
西池丁巳遣兼侍中齊王柔之以騶虞幡宣告荆江二
州丁卯桓立敗王師于姑孰譙王尙之齊王柔之並死
之廿二史攷異十八日按桓立傳立至姑孰攻譙王尙
之尙之敗立入京師矯詔加己總百揆侍中都督中
外諸軍事丞相錄尙書事揚州牧韓本脫於是立入居
太傅府害毛泰泰弟邃荀遜庾楷父子袁遵譙王尙之
等然則尙之之死在三月立以右將軍吳隱之爲都督
入京師之後不當在二月也

交廣二州諸軍事廣州刺史

晉書校文一曰攻隱之傳未爲廣州之前在朝爲左

衛將軍非右將軍傳言隆安中以隱之爲龍驤將軍廣州刺史假節爲平越中郎亦不及都督交廣二州諸軍

事

三月己巳劉牢之叛降于桓立辛未王師敗績于新

亭驃騎大將軍會稽王世子元顯東海王彥璋冠軍將

軍毛泰游擊將軍毛邃竝遇害壬申桓立自爲侍中丞

相錄尚書事以桓謙爲尚書僕射遷太傅會稽王道子

于安城立俄又自稱太尉揚州牧總百揆以琅邪王德

文爲太宰臨海太守辛景擊孫恩斬之

諸史攷異二曰案世說新語德

行篇注晉安帝紀孫恩攻沒郡縣後爲臨海太守辛景斬首送之今紀作辛景是史臣避唐諱改案孫恩傳言恩窮憾乃赴海自沈與本紀異隋志有臨海太守辛德遠集唐卷作辛景集德遠蓋景字

是月禿髮

利鹿孤死弟倕檀嗣僞位秋七月乙亥新蔡王崇爲其
奴所害八月庚子尙書下舍災冬十月冀州刺史劉軌
叛奔于慕容德十二月庚申會稽王道子爲桓立所害
曲赦廣陵彭城大逆以下

二年春二月辛丑建威將軍劉裕破徐道覆于東陽

晉書

校文一日宋書武帝紀是時爲建武將軍非建威且事
在正月所破爲盧循觀下三年紀稱建武將軍劉裕可
知此作建威之誤觀盧循傳言元興二年正月寇東陽亦可證此作道覆之疏乙卯桓立自稱
大將軍魏書桓立傳曰進位大將軍加前後部羽葆
鼓吹奏事不名案魏書作進位尙非實錄丁

巳冀州刺史孫無終爲桓立所害夏四月癸巳朔日有
蝕之秋八月立又自號相國楚王九月南陽太守庾仄

起義兵爲立所敗冬十一月壬午立遷帝于永安宮魏書

桓立傳曰立削奪德宗供奉之具務盡約癸未移太廟

陋殆至饑寒雖殺逆未至君臣之體盡矣神主于琅邪國十二月壬辰立篡位以帝爲平固王辛

亥帝蒙塵于尋陽

魏書司馬淑傳作封德宗爲南康平固縣王御覽一百九十二述異志曰

尋陽柴桑縣城晉永和中有童謠呼爲平石城時人僉

謂平滅石之徵也後桓元篡位晉帝爲平固王恭帝爲

石陽公俱遷於此城輿地紀勝三十日廬山記云東林

寺有晉輦備虬龍之飾舊號桓帝輦貫休詩云桓元舊

輦殘雲溼今人題詠謂安帝輦按晉大亨二年桓元篡

位遷帝於潯陽及義師起元亦奔潯陽旌旗輿服猶備

帝者之仗迫安帝西上留輦東林舊稱桓輦

蓋有由也桓安音相近後人不察而改之耳三年春二月帝在尋陽庚寅夜濤水入石頭漂殺人戶

乙卯建武將軍劉裕帥沛國劉毅東海何無忌等舉義

兵景辰斬桓立所署徐州刺史桓修于京口青州刺史

桓弘于廣陵

宋書武帝紀移檄都下曰輔國將軍劉毅廣武將軍何無忌鎮北主簿孟昶兗州主

簿魏詠之孟遠將軍劉道規龍驤將軍劉藩振威將軍檀憑之等忠烈斷金精貫白日荷戈奮袂志在畢命益

州刺史毛璩萬里齊契婦定荆楚江州刺史郭昶之奉迎主上宮于尋陽鎮北將軍王元德等並率部曲保據

石頭揚武將軍諸葛長人收集義士已據歷陽征虜將軍庾闕之等潛相連結以爲內應同力協規所在蓬起

即日斬僞徐州刺史安成王修青州刺史弘周丁巳義家祿校勘記曰修宜照本傳作脩諸傳並同

師濟江三月戊午劉裕斬立將吳甫之于江乘

案書鈔七十九

黃義恭交州記曰吳甫舉茂才七年不遷未知卽吳甫之否

斬皇甫敷於羅落

桓立傳作

羅落橋讀史方輿紀要二十日羅落橋江寧府東北四十里地名石步鎮亦名石步橋本屬江乘縣緣水設羅落之所自京口趨建康此已未立眾潰而逃庚申劉裕爲大路橋下有羅落浦

置留臺具百官

御覽一百二十八徐爰宋書曰高祖鎮石頭留臺百官羣寮宿衛各率其職

壬戌桓立司徒王謐推劉裕行鎮軍將軍徐州刺史都

督揚徐兗豫青冀幽并八州諸軍事假節

晉書校文一下文辛酉

劉裕誅尙書左僕射王愉壬戌後辛酉一日此繫日失次案南史宋武帝紀曰司徒王謐與衆議推帝領揚州帝固辭乃以謐爲錄尙書事領揚州刺史帝爲鎮軍將軍都督八州諸軍事徐州刺史領軍將軍是謐推裕爲揚州裕辭乃以爲劉裕以謐領揚州刺史錄尙書事辛徐州也此紀微異

酉劉裕誅尙書左僕射王愉愉子荊州刺史緩

周家祿校勘記

日緩誤緩

司州刺史溫詳辛未桓立逼帝西上景戌密詔以

幽逼於立萬機虛曠令武陵王遵依舊典承制總百官行事加侍中餘如故并大赦謀反大逆已下惟桓立一

祖之後不宥夏四月己丑大將軍武陵王遵稱制總萬

機南史宋武帝紀作戊子庚寅帝至江陵庚戌輔國將軍何無忌

振武將軍劉道規及桓立將庾稚何澹之戰于湓口大

破之立本傳作庾稚祖讀史方輿紀要八十五日湓口立

復逼帝東下五月癸酉冠軍將軍劉毅及桓立戰于崢

嶸洲又破之水經江水篇注曰江水東過武口又東右

二十七日江水西南自蒲圻縣界流入又北對崢嶸洲

劉毅破桓立於此胡三省通鑑注曰劉毅破桓元處在

今黃州壽昌軍之閒今洲半屬黃州亦名得勝洲讀史

方輿紀要七十六日崢嶸洲在武昌縣西北六十里江

中己卯帝復幸江陵辛巳荊州別駕王康產南郡太守

王騰之魏書司馬叡傳南奉帝居于南郡壬午督護馮

遷斬桓立於貊盤洲

水經江水篇注作枚週洲立傳毛修之傳及宋武帝紀均同魏書桓

酢皆以音近而誤

乘輿反正于江陵甲申詔曰姦兇篡逆自古

有之朕不能式遏杜漸以致播越賴鎮軍將軍裕英略

奮發忠勇絕世冠軍將軍毅等誠心宿著協同嘉謀義

聲既振士庶效節社稷載安四海齊慶其大赦凡諸畏

逼事屈逆命者一無所問戊寅奉神主入于太廟

羣書拾補

日案上有己卯辛巳壬午甲申下閏月有己丑則中間但有戊子或庚寅不得有戊寅此必有誤

閏月

己丑桓立故將揚武將軍桓振陷江陵劉毅何無忌退

守尋陽帝復蒙塵于賊營

桓立傳作輔國將軍魏書桓立傳曰桓振逃於華容之浦

陰聚黨數千人晨襲江陵克之桓謙亦聚衆而出振既至問立子昇所在知昇已死六月益州刺

史毛璩討僞梁州刺史桓希斬之案桓立傳作毛璩自領梁州遣將攻漢中

殺桓希魏書桓立傳亦作益秋七月戊申永安皇后何州刺史是本書桓立傳誤也

氏崩八月癸酉祔葬穆帝章皇后于永平陵九月前給

事中才聘祕書丞王邁之謀反伏誅冬十月盧循寇廣

州刺史吳隱之爲循所敗晉書校文一日吳隱之傳言循寇南海攻擊百餘日而後

陷五行志火類亦言隱之閉城固守其十月壬戌夜火起衆潰遂爲賊擒然則十月乃循陷廣州之時其寇廣

州當在六七月間不得卽繫諸十月也至宋武執始興帝紀列此事於義熙元年十月尤誤不可從

相阮腆之而還慕容德死兄子超嗣僞位載記作義熙元年晉書校

文一日據南燕錄御覽弼二德死於十一月戊午此繫於十月下誤

義熙元年春正月帝在江陵南陽太守魯宗之起義兵

襲破襄陽已丑劉毅次于馬頭桓振以帝屯于江津辛

卯宗之破振將溫楷于柞溪進次紀南爲振所敗續漢志江

陵縣北十餘里有紀南城讀史方輿紀要七十八曰江

津戌在荊州府東南二十里亦曰江津口戊郭璞江賦

云濟江津以起振荊州記江陵縣東三里有津鄉蓋沿

江津得名也漢時於此置戌有江津長司之戌南對馬

頭岸亦謂之江津南岸馬頭城在公安縣西北五十振

里紀南城在荊州府北十里柞溪詳殷仲堪傳注

武將軍劉道規擊桓謙走之乘輿反正帝與琅邪王幸

道規舟戌戌詔曰朕以寡德夙纂洪緒不能緝熙遐邇

式遏姦宄逆臣桓立乘釁肆亂乃誣罔天人篡據極位

朕躬播越淪胥荒裔宣皇之基眇焉以墜賴鎮軍將軍

裕忠武英斷誠冠終古運謀機始貞賢協其契拔淚誓

衆義士感其心故霜戈一揮巨猾奔迸三率棧威大斂
授首而孽振猖狂嗣凶荆郢幸天祚社稷義旗載捷狡
徒沮潰朕獲反正斯實宗廟之靈勤王之勲豈朕一人
獨享伊祐思與億兆幸茲更始其大赦改元雅立振一
祖及同黨不在原例賜百官元本爵二級鰥寡孤獨穀人

五斛大酺五日二月丁巳留臺備乘輿法駕迎帝於江

陵魏書司馬叡傳曰尚書陶夔迎德宗達於板橋大風
暴起龍舟沈沒死者十餘人德宗發江陵至尋陽

弘農太守戴宣之建威主簿徐惠子等謀反伏誅平西

參軍譙縱害平西將軍益州刺史毛璩以蜀叛三月桓

振復襲江陵

魏書司馬叡傳曰立將桓振復襲江陵斬
王康產及騰之將殺德宗立揚州刺史新

安王桓謙苦
禁之乃止
荆州刺史司馬休之奔于襄陽建威將軍

劉懷肅討振斬之

晉書校文一曰宋書懷肅傳但言爲韓國將軍而不及建威然此紀及桓

立桓振傳皆作建威將軍疑懷肅傳失書或輔國卽建威之譌案桓元傳作廣武將軍唐興斬振魏書桓元傳

亦云振自爲都督八州鎮軍帝至自江陵乙未百官詣

將軍荆州刺史爲唐興所斬

宋書武帝紀作三月甲子天子至自江陵御覽闕請罪六百九十義熙起居注曰安帝自荆州至新亭

詔曰諸侍官戎行之時不備朱服悉令袴褶從也

詔曰此非諸卿之過其還率

職戊戌舉章皇后哀三日臨于西堂劉裕及何無忌等

抗表遜位不許庚子以琅邪王德文爲大司馬武陵王

遵爲太保加鎮軍將軍劉裕爲侍中車騎將軍都督中

外諸軍事

南史宋武帝紀諸軍事下有錄尙書事

甲辰詔曰自頃國難之

後人物彫殘常所供奉猶不改舊豈所以視人如傷禹
湯歸過之誠哉可籌量減省夏四月劉裕旋鎮京口戊
辰餞于東堂五月癸未禁絹扇及撈捕初學記二十五
謝靈運晉書曰
孝武節奢飾禁絹扇案孝武本紀無游擊將軍章武王
秀益州刺史司馬軌之謀反伏誅桓立故將桓亮苻宏
刁預寇湘州守將擊走之秋八月甲子封臨川王子脩
之爲會稽王冬十一月乞伏乾歸伐仇池仇池公楊盛
大破之是歲涼武昭王立盛遣使奉表稱藩

二年春正月益州刺史司馬榮期擊譙縱將譙子明于
白帝破之譙縱傳作夏五月封高密王子法蓮爲高陽

王秋七月梁州刺史楊孜敬有罪伏誅冬十月論匡復

之功封車騎將軍劉裕為豫章郡公御覽一百二十八徐爰宋書曰加錄

尚書封豫章公邑萬戶絹三萬匹案宋書武撫軍將軍帝紀是年三月進裕督交廣二州本紀失載

劉毅南平郡公右將軍何無忌安成郡公自餘封賞各

有差乙亥以左將軍孔安國為尚書左僕射十二月盜

殺零陵太守阮野

三年春二月己酉車騎將軍劉裕來朝晉書校文一日下文己丑大赦

除酒禁己酉至己丑相去四十一日則大赦必非二月內事據文館詞林六所載安帝赦詔有在今年三

月十九日以前皆赦除之語是己丑乃誅東陽太守殷三月十九日紀漏去三月字遂成此錯

仲文南蠻校尉殷叔文晉陵太守殷道叔永嘉太守駱

球己丑大赦除酒禁夏五月大水六月姚興將赫連勃勃

勃僭稱天王于朔方國號夏

載記在義熙二年

秋七月戊戌朔

日有蝕之汝南王遵之有罪伏誅八月遣冠軍將軍劉

敬宣持節監征蜀諸軍事冬十一月赫連勃勃大敗禿

髮僭檀僭檀奔于南山是歲高雲馬跋殺慕容熙雲僭

卽帝位

載記亦在義熙二年

四年春正月甲辰以琅邪王德文領司徒車騎將軍劉

裕爲揚州刺史錄尚書事

宋書武帝紀作授侍中車騎將軍開府儀同三司揚州刺

史錄尚書事徐兗二州刺史如故表解

庚申侍中太保

武陵王遵薨夏四月散騎常侍尚書左僕射孔安國卒

周家祿校勘記曰按天文志孔安國卒凡數甲午加吏見皆作四年三月案宋天文志亦作三月

部尙書孟利尙書左僕射世說企羨篇注晉安帝紀曰

軍初矜嚴有志局少爲冬十一月癸丑雷案下文云辛

王恭所知豫義旗之勲卯距癸丑三十九日不應同在一月五行志作十一

辛卯朔癸丑三十九日不應同在一月五行志作十一

月辛卯朔西北方疾風發癸丑雷是也辛卯朔日癸丑

紀先後誤倒梁州刺史楊思平有罪棄市案思平爲佺

傳辛卯大風拔樹是月禿髮儁檀僭卽涼王位十二月

陳留王曹靈誕薨

五年春正月辛卯大赦庚戌以撫軍將軍劉毅爲衛將

軍開府儀同三司加輔國將軍何無忌鎮南將軍戊戌

尋陽地震案一月之中不應庚戌在前戊戌在後二月

慕容超將慕容興宗寇宿豫陽平太守劉千載南陽太

守趙元竝為賊所執慕容超載記作濟南太守趙元東

今考地形志云司馬德宗置宿預郡則安帝時郡與縣

同置胡三省云宿遷縣東南杜佑曰故泗口也廿二史

曰宿豫故城在宿遷縣東南杜佑曰故泗口也廿二史

攷異十八日按南陽與宿豫相去甚遠宋書武帝紀作

濟南似為近之予攷是時陽平與濟陰皆寓治宿豫也

則趙元當是濟陰太守不特非南陽恐亦非濟南也

月乙亥大雪平地數尺五行志下車騎將軍劉裕帥師

伐慕容超夏六月景寅震于太廟五行志下云雷震太

鈔一百四十二晉中興書曰安帝義熙三年霹靂震太廟柱若有文字案三年為五年之譌劉裕大

破慕容超于臨朐秋七月姚興將乞伏乾歸僭稱西秦

王於苑川載記作義熙三年僭稱秦王九月戊辰離班弒高雲雲將

馮跋攻班弒之

周家祿校勘記曰下弒殺之誤

跋僭卽王位仍號燕冬

十月魏清河王紹弒其主圭

六年春二月丁亥劉裕攻慕容超剋之齊地悉平是月

廣州刺史盧循反寇江州三月禿髮傉檀及沮渠蒙遜

戰于窮泉傉檀敗績

洪亮吉十六國疆域志曰昌松縣有窮泉

壬申鎮南將

軍江州刺史何無忌及循戰于豫章王師敗績無忌死

之夏四月青州刺史諸葛長民兗州刺史劉藩

天文志下藩作

蕃并州刺史劉道憐乃入衛京師五月景子大風拔木

戊子衛將軍劉毅及盧循戰于桑落洲王師敗績

南史宋武

帝紀作壬午讀史方輿紀要二十六日桑落洲在宿松縣南百三十里寰宇記云洲在縣西南百九十里與淖

陽分中流爲界江水自鄂陵派而爲九於此合流謂之九江口卽劉毅爲盧循所敗處又八十六日昔江水泛漲有一桑流尙書左僕射孟昶懼自殺南史宋武帝紀昶初帝征慕容至此因名

昶惟孟昶勸行丙辰昶乃表天子引罪仰藥而死御覽一百二十八徐爰宋書曰昶窮窘無餘圖飲藥而卒世說企羨篇注晉安帝紀曰已未大赦乙丑循至淮口內昶慮事不濟仰藥而死

外戒嚴大司馬琅邪王德文都督宮城諸軍事次中皇

堂太尉劉裕次石頭梁王珍之屯南掖門冠軍將軍劉

敬宣屯北郊輔國將軍孟懷玉屯南岸建武將軍王仲

德屯越城廣武將軍劉懷默屯建陽門淮口築柵浦藥

園廷尉三壘以距之

讀史方輿紀要二十日查浦在江寧府西南十里大江南岸樂游苑

在覆舟山南晉之芍藥園也義熙中卽其地築壘以拒盧循因名藥園壘廷尉壘在江寧府北舊廷尉寺舍地

劉裕禦盧循築查浦藥園廷尉三壘此卽三壘
之一或曰壘蓋近淮案祖浦卽溫嶠傳之查浦景寅震

太廟鴟尾晉書校文一日據上丙子日下推之五月秋中不當有景寅日疑紀失書六月致誤

七月庚申盧循遁走甲子使輔國將軍王仲德廣川太

守劉鍾河閒內史蒯恩等帥眾追之東晉疆域志曰河閒國沈志江左屢

省置是東晉有河閒國亦當屬冀州也領縣可考者一

中水晉書校文一日據宋書恩傳未爲河閒內史然朱

齡石傳亦言河閒內史蒯恩意恩曾爲是是月盧循寇

官而本傳失書也譙縱傳則作蘭陵太守

荆州刺史劉道規雍州刺史魯宗之等敗之又破徐道

覆于華容盧循傳循遣道覆寇江陵未至爲官軍所敗賊復走尋陽八月姚

興將桓謙寇江陵劉道規敗之冬十一月蜀賊譙縱陷

巴東晉書校文一日桓立傳及宋武帝紀桓謙曾爲譙

縱荆州刺史姚興載記亦有縱遣其荆州刺史桓

謙語然則謙乃縱將非姚興將也且謙縱同時入寇守不應分書是役道規斬謙但曰敗之亦未盡事實將溫祚時延祖死之十二月壬辰劉裕破盧循于豫章

七年春二月壬午右將軍劉藩斬徐道覆于始興傳首

京師御覽一百二十八徐爰宋書曰劉藩孟懷玉斬徐

日徐道霸驪之蟻聚堅城因山固守令董率諸軍圍塹四合高撞雲梯三方並攻即日登城斬徐道霸驪之以

鼓釁鉦夏四月盧循走交州刺史杜慧度斬之宋書良吏傳曰杜慧

度交趾朱鷺人瑗第五子瑗卒共推慧度行州府事不就七年除使持節督交州諸軍事廣武將軍交州刺史

詔書未至其年春盧循襲破合浦徑向交州慧度率文武六千距循於石碕循敗餘黨猶有三千人六月庚子

慧度悉出宗族私財以充勸賞弟交趾太守慧期九真太守章民並督率水步軍慧度自登高艦合戰放火箭

雉尾炬步軍夾兩岸射之循眾艦俱然一時散潰循中箭赴水死斬循及父叔并循二子親屬案宋書斬循在

六月本紀作

秋七月丁卯以荊州刺史劉道規爲征西

四月蓋誤

大將軍開府儀同三司冬十月沮渠蒙遜伐涼涼武昭王玄盛與戰敗之

八年春二月景子以吳興太守孔靖爲尙書右僕射三

月甲寅山陰地陷四尺有聲如雷

五行志作壬寅地陷四丈

夏五月

乞伏公府弑乞伏乾歸乾歸子熾盤誅公府僭卽僞位

周家祿校勘記曰按載記公府弑乾歸熾盤嗣僞位皆作義熙六年盤宜作磐下同

六月以平北

將軍魯宗之爲鎮北將軍秋七月甲午武陵王季度薨

庚子征西大將軍劉道規卒八月皇后王氏崩辛亥高

密王純之薨九月癸酉葬僖皇后于休平陵己卯太尉

劉裕害右將軍兗州刺史劉藩尚書左僕射謝混

文館詞林

六百六十二傳亮撰東晉安帝征劉毅詔曰劉毅傲很凶戾宜卽顯戮與從弟蕃同惡相濟圖會荆郢尚書左僕射謝混職爲亂階已詔太尉隨宜剪戮案庚辰裕矯傳亮爲裕黨此乃矯詔故史臣書之曰害也

詔曰劉毅苞藏禍心構逆南夏藩混助亂志肆姦宄賴宣輔立鑒撫機挫銳凶黨卽戮社稷乂安夫好生之德所因者本肆眚覃仁實資立澤況事興大憝禍自元凶其大赦天下唯劉毅不在其例普增文武位一等孝順忠義隱滯遺逸必令聞達己丑劉裕帥師討毅裕參軍王鎮惡陷江陵城毅自殺冬十一月沮渠蒙遜僭號河西王十二月以西陵太守朱齡石爲建威將軍益州刺

史帥師伐蜀

譙縱傳西陵作西陽南史本傳同御覽六百六晉安帝紀曰朱齡石伐蜀太尉與齡

石書署函曰至白帝乃發書曰眾悉從外水取成都臧

燾於中水出廣漢使羸弱乘高艦十餘由內水向黃虎

晉書校文一日伐蜀一事五行志及譙縱傳宋書齡石

傳均在九年此云十二月當是發詔之日宋武帝紀亦

列於八年分荆州十郡置湘州案成帝紀咸和四年二

與此同理志荆州下云穆帝時以長沙衡陽湘東零陵邵陵營

陽六郡屬湘州似咸和四年并入荆州後又仍置湘州

故穆帝時得以長沙六郡屬之如志所云穆帝時既有

湘州何以紀於義熙八年又云分荆州十郡置湘州參

攷紀志種種不是歲廬陵南康地四震

九年春三月景寅劉裕害前將軍諸葛長民及其弟輔

國大將軍黎民從弟盍朔將軍秀之三月戊寅加劉裕

鎮西將軍豫州刺史林邑范湖達寇九真交州刺史杜

慧度斬之四夷傳胡達作胡達水經溫水注三十六林

水口與林邑王范胡達戰擒斬胡達太守杜慧度造九真

胡達通五月慧度自九真水厯都栗浦復襲九真長圍

跨山重柵斷浦驅象前鋒接刃城下連日交戰殺傷乃

退晉書校文一日梁書林邑傳云九年須達復寇九真

杜慧期與戰斬其息交龍王甄知生俘須達復寇九真

經注引林邑記亦言慧度與湖達戰擒斬其二子此紀

以所斬即湖達誤甚又據林邑記柳毖指為宋書杜

慧度傳則是役係進討九真紀與梁書指為宋書杜

事實至湖達梁書南史作須達御覽无從據正義起

注及林邑傳則均作明達互相違異無從據正義起

縣也魏天發顯輝賊之案本紀稱交州刺史林

邑記作交趾太守蓋以刺史而領太守也本紀於三月

下言杜慧度斬之而林邑記於五月之上但言夏四月

胡達遁五月之下始言殺傷乃退與本紀異

壬戌罷臨沂湖熟皇后脂澤田四十頃以賜貧人初學

晉氏要事曰安帝二脂澤田四十頃參詳以借貧人讀史方

湖熟界有皇后脂澤田四十頃參詳以借貧人讀史方

輿紀要二十日湖熟城弛湖池之禁封鎮北將軍魯宗
在上元縣東四十五里

之爲南陽郡公秋七月朱齡石克成都斬譙縱益州平

案御覽一百二十八引徐爰宋書亦云遂平斬僞蜀王
焦縱惟本書譙縱傳則云譙道福投縱以劍中其馬鞍

縱去之乃自縊或如馬九月封劉裕次子義眞爲桂陽
耽引繩而死同戮尸也

公冬十二月安平王球之薨周家祿校勘記曰案球之

本傳云季度薨子球之嗣不云是歲高句麗倭國及西
繼安平王後安平疑當作武陵

南夷銅頭大師竝獻方物宋書夷蠻傳曰高句驪王高

高翼奉表獻赭白馬御覽九百八十一義熙起
居注曰倭國獻貂皮人參等詔賜細笙麝香

十年春三月戊寅地震夏六月乞伏熾盤帥師伐禿髮

傳檀滅之秋七月淮北大風壞廬舍九月丁巳朔日有

蝕之林邑遣使來獻方物是歲城東府

十一年春正月荊州刺史司馬休之雍州刺史魯宗之

竝舉兵貳於劉裕裕帥師討之庚午大赦丁丑以吏部

尚書謝裕爲尚書左僕射二月丁未姚興死載記及魏書本紀北

史本紀均繫於十二年通鑑晉紀考異引三十國晉春秋亦作十一年子泓嗣僞位三月

辛巳淮陵王蘊薨壬午劉裕及休之戰于江津休之敗

奔襄陽夏四月乙卯青冀二州刺史劉敬宣爲其參軍

司馬道賜所害五月甲申彗星二見甲午休之宗之出

奔于姚泓晉書校文一曰攷載記二人出奔皆在姚興時休之傳亦云然今謂奔於姚泓蓋紀誤以

興死於是年二月故休之等以五月出奔遂論平蜀功屬於泓耳實則興卒在十二年非是年也

封劉裕子義隆彭城公朱齡石豐城公己酉霍山崩出
銅鍾六枚秋七月景戌京師大水壞太廟辛亥晦日有
蝕之八月丁未尙書左僕射謝裕卒以尙書右僕射劉
穆之爲尙書左僕射九月己亥大赦

十二年春正月姚泓使其將魯軌寇襄陽雍州刺史趙
倫之擊走之二月加劉裕中外大都督

南史宋武帝夏紀作三月

六月赫連勃勃攻姚泓秦州陷之己酉新除尙書令都

鄉亭侯劉柳卒秋八月劉裕及琅邪王德文帥眾伐姚

泓景午大赦冬十月景寅姚泓將姚光以洛陽降

姚泓載記

作姚

己丑遣兼司空高密王恢之修謁五陵

晉書校文
一曰宗室

傳言恢之以給事中兼太尉
修謁洛陽園寢不云兼司空

十三年春正月甲戌朔日有蝕之二月涼武昭王李立

盛薨世子士業嗣位爲涼州牧涼公三月龍驤將軍王

鎮惡大破姚泓將姚紹于潼關夏劉裕敗魏將鵝青于

河曲魏書司馬叡傳曰太宗遣長孫道生娥親破其將

兩書所載勝負互異廣韻七歌娥斬青裨將阿薄于廣

又姓魏將軍娥親本紀作鵝誤是月涼公李士業大敗泓

七歌曰阿虜三字姓後魏書云阿伏于氏後改爲阿氏

渠蒙遜于鮮支澗夏五月劉裕克潼關丁亥會稽王修

之薨本傳作脩之六月癸亥林邑獻馴象白鸚鵡秋七月劉

裕克長安執姚泓收其彝器歸諸京師米書武帝紀天

文志作八月御

覽一百二十八徐爰宋書曰公先收其彝器渾儀土圭
之屬獻於京師其餘珍寶珠玉悉以班諸將執姚泓歸
之有司斬於建康書鈔一百三十起居注曰相國表曰
間者平長安獲張衡所作渾儀土圭歷代寶器以久沈
寇戎謹遣奉送歸之天府隋天文志曰梁華林重雲殿
前所置銅儀檢其鏤題是僞劉曜光初六年史官丞南
陽孔挺所造則古之渾儀之法者也而宋御史中丞何
承天及太中大夫徐爰各著宋史咸以爲卽張衡所造
其儀略舉天狀而不綴經星七曜魏晉喪亂沈沒西戎
義熙十四年宋高祖定咸陽得之梁尙書沈約著宋史
亦云然皆失之遠矣案御覽二引義熙起居注作十南
四年相國表曰與隋志同蓋表至建康在第二年也南
海賊徐道期陷廣州始興相劉謙之討平之冬十一月
辛未左僕射前將軍劉穆之卒

十四年春正月辛巳大赦青州刺史沈田子害龍驤將
軍王鎮惡于長安夏六月劉裕爲相國進封宋公冬十

月以涼公士業爲鎮西將軍

士業傳作鎮西大將軍

封酒泉公十

一月赫連勃勃大敗王師于青泥

水經渭水注曰峽柳城東有二城世亦謂

之青泥城案青泥卽青泥

北雍州刺史朱齡石焚長安宮殿奔于潼

關尋又大潰齡石死之

五代史後蜀世家司天少監胡

雍州刺史朱齡石見殺案本紀齡石之死卽在十四年胡韞誤以爲十四年之明年

十二月戊寅

帝崩于東堂時年三十七葬休平陵

元和郡縣圖志二

休平陵在上元縣東北二十里蔣山西南

帝不惠自少及長口不能言雖寒

暑之變無以辯也凡所動止皆非己出故桓玄之篡因

此獲全初譏云昌明之後有二帝劉裕將爲禪代故密

使王韶之縊帝而立恭帝以應二帝云

恭帝

恭帝諱德文

周家祿校勘記曰當云恭皇帝

字德文安帝母弟也初封

琅邪王歷中軍將軍散騎常侍衛將軍開府儀同三司

加侍中領司徒錄尚書六條事元興初遷車騎大將軍

桓立執政進位太宰加袞冕之服綠綬綬

通典二十日安帝以太宰

琅邪王德文不宜嬰拂事務以汙論道

之重可袞冕之服綠綬綬羽葆鼓吹立篡位以帝爲

石陽縣公與安帝俱居尋陽及立敗隨至江陵立死桓

振奄至躍馬奮戈直至階下瞋目謂安帝曰臣門戶何

負國家而屠滅若是帝乃下牀謂振曰此豈我兄弟意

邪振乃下馬致拜振平復爲琅邪王又領徐州刺史尋

拜大司馬領司徒加殊禮義熙五年置左右長史司馬從事中郎四人加羽葆鼓吹十二年詔曰大司馬明德懋親太尉道勳光大竝徽序彝倫變和二氣髦俊引領思佐鼎飪而雅尚沖挹四門弗闕誠合大雅謙虛之道實違急賢贊世之務昔蒲輪載徵異人竝出東平開府奇士嚮臻濟濟之盛朕有欽焉可勅二府依舊辟召必將明敎俊乂嗣軌前賢矣於是始辟召掾屬時太尉裕都督中外諸軍詔曰大司馬地隆任重親賢莫貳雖府受節度可身無致敬

全晉文注曰案此安帝詔恭帝耳文選齊竟陵王行狀注引晉中興

書恭帝詔云云誤

劉裕之北征也帝上疏請帥所莅啟行戎路

修敬山陵朝廷從之乃與裕俱發及有司以卽戎不得
奉辭陵廟帝復上疏曰臣推轂閫外將革寒暑不獲展
情埏埴私心罔極伏願天慈特垂聽許使臣微誠粗申
卽路無恨許之及姚泓滅歸于京都十四年十二月戊
寅安帝崩劉裕矯稱詔曰唯我有晉誕膺明命業隆九
有光宅四海朕以不德屬當多難幸賴宰輔拯厥顛覆
仍恃保祐克黜禍亂遂冕旒辰極混一六合方憑阿衡
惟新洪業而遘疾大漸將遂弗興仰惟祖宗靈命親賢
是荷咨爾大司馬琅邪王體自先皇明德光懋屬惟儲
貳眾望攸集其君臨晉邦奉係宗祀允執其中爰和天

下閭揚末誥無廢我高祖之景命是日即帝位大赦

元熙元年春正月壬辰朔改元以山陵未厝不朝會立

皇后褚氏甲午徵劉裕還朝戊戌有星孛于太微西藩

庚申葬安皇帝于休平陵御覽一百續晉陽秋曰安皇帝歸陵有詔當出送入座奏

諫以為宜加珍攝乃止帝受朝懸而不樂以驃騎將軍劉道憐為

司空秋八月劉裕移鎮壽陽以劉懷慎為前將軍北徐

州刺史鎮彭城晉書校文一曰宋書懷慎傳義熙八年

尋加徐州刺史宋臺建時議鎮督江北淮南諸軍事前

將軍南青州刺史高祖遷都壽春留懷慎督北徐充青

淮北諸軍事中軍將軍徐州刺史其鎮彭城在前亦不得并為

事一時九月劉裕自解揚州冬十月乙酉裕以其子桂陽

公義真爲揚州刺史十一月丁亥朔日有蝕之十二月

辛卯裕加殊禮己卯太史奏黑龍四見于東方類聚五十三引

傳亮作宋武帝九錫文晉書校文一日辛卯至己卯凡四十九日不能並見於十二月日辰必有一謬

二年夏六月壬戌劉裕至于京師傅亮承裕密旨諷帝

禪位草詔請帝書之帝欣然謂左右曰晉氏久已失之

今復何恨乃書赤紙爲詔甲子遂遜于琅邪第劉裕以

帝爲零陵王居于秣陵行晉正朔車旗服色一如其舊

有其文而不備其禮帝自是之後深慮禍機褚后常在

帝側飲食所資皆出褚后魏書司馬叡傳曰德文被廢囚於秣陵宮常懼見禍與褚

氏共止一室慮有故宋人莫得伺其隙宋永初二年九

鳩毒自煮食於前

月丁丑裕使后兄叔度請后有閒兵人踰垣而入弑帝

于內房

宋書作九月己丑宋書褚叔度傳曰兄秀之弟

兵人乃

踰垣而入進藥於恭帝帝不肯飲曰佛教自殺

者不得復人身乃以被掩殺之魏書司馬叡傳秀之譌

作季之晉書校文一日此事叔度與兄時年三十六謚

恭皇帝葬冲平陵

元和郡縣圖志二十五曰恭帝德文

冲平陵在上元縣東北二十里

蔣山

西南東晉疆域志曰實

帝幼時性頗忍急及在藩國會

錄興安帝同處不起墳

帝好奇戲閉一疋馬於門內令人

令善射者射馬爲戲

射之欲觀既而有人云馬者國姓而自殺之不祥之甚

帝亦悟甚悔之其後復深信浮屠道鑄貨千萬

御覽一百引續

晉陽秋作又雅信

佛教捐財貨十萬造丈六金像親於瓦官寺迎之步從

三

十許里安帝既不惠帝每侍左右消息溫涼寢食之節

以恭謹聞時人稱焉

御覽一百續晉陽秋曰初安皇不慧起居動止不自己出帝每侍左

右雖涼溫飢飽之中而恭謹備焉時人稱其順梯

始元帝以丁丑歲稱晉王置宗廟使郭璞筮之云享二

百年自丁丑至禪代之歲年在庚申爲一百四歲然丁

丑始係西晉庚申終入宋年所餘惟一百有二歲耳璞

蓋以百二之期促故婉而倒之爲二百也

御覽一百晉中興書曰昔

中宗以丁丑之歲始稱晉王改築宗廟使郭璞筮之云

載祀二百及今禪代庚申之歲凡百有二年而天祿永終璞精於術數理無乖二抑以百二期促故倒其詞爲二百乎

史臣曰安帝卽位之辰鍾無妄之日道子元顯竝傾朝

政主昏臣亂未有如斯不亡者也雖有手握戎麾心存
舊國迴首無良忽焉蕭散於是桓立乘輿勢踰臙指六
師咸泯隻馬徂遷是以宋高非典午之臣孫恩豈金行
之寇若乃世遇顛覆則恭皇斯甚於越之民詎燠丹穴
會稽之侶寧歎入臣去皇屋而歸來灑丹書而不恨夫
五運攸革三微數盡猶高秋彫候理之自然觀其搖落
人有爲之流連者也

贊曰安承流灑大盜斯張恭乃寓命他人是綱猶存周
赧始立懷王虛尊假號異術同亡

晉書斠注卷十